

**Inissinneqarsimasut namminneq pigisaminnik il.il. aningaasanillu
pinerluuteqarsimasunik isumaginnittoqarfiup inissiisarfiinut
nassataqarsinnaaneratt pillugu nalunaarut (pigisat pillugit nalunaarut)**

Kalaallit Nunaannut pinerluttulerinermut inatsimmi § 205, imm. 2 aamma 3, § 226, nr. 5, aamma § 245, imm. 4, tak. inatsisitut nalunaarut nr. 1045, 7. september 2017-imeersoq, naapertorlugit aalajangersarneqarpoq:

Kapitali 1

Atorneqarfia

§ 1. Pinerluuteqarsimasunik isumaginnittoqarfiup inissiisarfiini inissinneqarsimasut nalunaarummi matumani maleruagassat malillugit namminneq pigisaminnik nassataqarsinnaapput, tigummiarsinnaallutik atuisinnaallutillu.

Imm. 2. § 2, imm. 1, nr. 4-8, nr. 10-12 aamma nr. 18, §§ 17-22, § 24 aamma § 29, imm. 2, pinerluuteqarsimasunik isumaginnittoqarfiup pensionitut unnuisitsisarfiini atorneqassanngillat.

Kapitali 2

Nammineq pigisat

*Inissinneqarsimasut namminneq pigisaminnik nassarsinnaanerannut,
tigummiarsinnaanerannut atuisinnaanerannullu nalinginnaasumik killilersuinerit*

§ 2. Inissinneqarsimasut pigisanik ataani taaneqartuni nassarsinnaanngillat, tigummiarsinnaanatik atuisinnaanatik:

- 1) Pigisat, nalinginnaasumik inatsisaasunut akerliusut, ilanngullugit aanngajaarniutit pillugit inatsisinut, aamma sakkut pillugit inatsisinut akerliusut.
- 2) Pigisat aanngajaarniutinik atortussanillu allanik inatsisit nalinginnaasut malillugit inerteqqu-taasunik atornerluinermut atatillugu atorneqarsinnaasut.
- 3) Imigassat aalakoornartullit.
- 4) Pigisat sakkut atorneqarsinnaasut, pigisallu allat inunnut ulorianaateqarsinnaasut.
- 5) Pigisat qimaanermut atatillugu atorneqarsinnaasut, ilanngullugit sakkut, allunaasat assigisaallu.
- 6) Pigisat, inissiissarfimmi aarlerinartoqalerneranik imaluunniit peqqissutsimut aarlerinartoqalerneranut kinguneqarsinnaasut.
- 7) Pigisat inissiissarfimmi ikuallatsitsilersinnaasut, imaluunniit ikuallattoqalersinnaaneranik aarlerinartorsiortitsilersinnaasut.
- 8) Pigisat, pigisap qanoq ittuunera pissutigalugu pigisamik pisariaqartitamik misissuinissamik periarfissaqarfiginngisat.
- 9) Nakorsaatit, taakkua pissutsit immikkut ittut pissutigalugit inissinneqartumut tunniunneqartariaqarpat tunniunneqassapput.
- 10) Assiliiviit, videokkut immiussissutit, webkamat assigisaallu, kiisalu qinngutit assigisaallu.
- 11) Oqarasuaatit angallattakkat assigisaanillu attaveqatigiinnermut atortut, kiisalu taakkununga atortut, taamaattoq tak. imm. 3.
- 12) Diktafonit immiussissuteeqqallu.
- 13) Atisat pigisalluunniit allat, pissaaneqarnermik takutitsiniutit allanut sunniuteqarsinnaasut.

- 14) Atisat pigisalluunniit allat, amqip qalipaataanik immikkoortitsinermik imaluunniit anner-tuumik kanngunarsaanermik ilisarnaatillit imaluunniit oqaqqaarniutilikkat, inissinneqarsima-sut inissinneqarfigisaminni atorsinnaasaat.
- 15) Qajuusaasiat proteinilikkat assigisaalluunniit, nukkassaatitut atorneqarnissaannik siunerta-qartutut isumaqarfigineqartariaqartut, taakkua inissinneqarfigisami imaluunniit inissinneqar-figisap suliniuteqarneratigut pisiarineqarsimannngippata.
- 16) Uumasuutit.
- 17) Pequtit anginerusut, timigissarnermut atortut kiisalu pigisat anginerusut inissaqartitsiniarnik-kut ajornartorsiutaasinnaasut.
- 18) Qarasaasiaq, telefax aamma modem, taamaattoq tak. imm. 3.
- 19) Tupa pujortagassaq pujortarnermullu atortut kiisalu pigisat cigaretsiliuutitut atugassiaasut, inissinneqarfigisami piffimmi akuerisaanngitsumi pigisaqartoqarpat il.il.

Imm. 2. Pigisat imm. 1-imut ilaasut taamaallaat inissinneqartup aneernermini assigisaannilu atorsinnaassammagit tunniunneqarsinnaapput, tamanna pisuni ataasiakkaani torersuunissamut isumannaatsuunissamullu mianerisassanut naapertuuppat.

Imm. 3. Ammasumi ilaannakortumillu matoqqasumi inissinneqarsimagaanni, inissinneqarfigi-sap pinnguaatinut konsollit, imm. 2, nr. 11-imut ilaasut tunniunneqarnissaat akuersissutigineqar-sinnaavoq. Ammasumi ilaannakortumillu matoqqasumi inissinneqarsimasut namminneq inimi najortakkaminni qarasaasiamik ikkussuititsinissaat inissinneqarfigisap akuerisinnaavaa, pisuni ataasiakkaani ilinniakkamut suliamulluunniit mianerisassat taamaattariaqartippassuk. Taamaallaat pissutsit immikkut ittut taamaattariaqartippassuk, telefaxit modemillu tunniunneqarnissaat akuer-sissutigineqarsinnaavoq, aamma tamanna torersuunissamik isumannaatsuunissamillu mianerisas-sanut naleqqutsinneqarsinnaappat.

Immikkoortuni matoqqasuni inissinneqarsimasunut immikkut ittunik killiliinerit

§ 3. Nammineq pigisat § 2, imm. 1-imi taaneqartut saniatigut, immikkoortunut matoqqasunut inissinneqarsimasut tulliuuttunik nassaqqusaanngillat, pigisaqqaqusaanatik atugaqqaqusaanatillu, taamaattoq tak. §§ 8-11:

- 1) Fjernsyni, dvd-nik cd-nillu nipilersuutit, pinnguaatinut konsollit, radiot assigisaallu assigiin-gitsut tamaasa.
- 2) Pigisat tamaasa innaallagissamut attavilertariaqakkat batteriilertariaqakkalluunniit, taamaattoq tak. imm. 2 aamma § 2, imm. 3, oqaaseqatigiit pingajuit.
- 3) Pigisanut nr. 1-imut 2-mullu ilaasunut atortut.
- 4) Passi.
- 5) Pigisat, aningaasanut taarsiullugit atorneqarsinnaasut, soorlu checkit, kortit akiliutit assigi-saallu.

Imm. 2. Inissinneqarsimasup pigisanik imm. 1, nr. 2-mut ilaasunik tunniussiffigineqarsinnaanera inissinneqarfigisap akuersissutigisinnaavaa, tunniussineq pissutsinik immikkorluinnaq ittunik tun-ngavissaqarpat, ilanngullugit inissinneqarsimasup nappaataa, innarluutaa assigisaaluunniit.

Imm. 3. Pigisat imm. 1-imut ilaasut aneernerup nalaani atorneqarsinnaasunngorlugit tunniunne-qarsinnaapput, tamanna pisuni ataasaakkaani torersuunissamut isumannaatsuunissamullu mianeri-sassanut naleqquttuuppat.

Pigisanik il.il. tunniussineq, nassiussineq parnaarutaanillu naqissusiineq

§ 4. Pigisanik inaallagissamut atassuserneqartariaqartunik batteriilertariaqartunilluunniit tunnius-sinissamut pigisap ataani taaneqartutut pineqarnissaa piumasaqaatinngortinneqarsinnaavoq

1. kimit pigineqarnera paasisinnaajumallugu ilisarnaaserneqarnissaa, aamma
2. parnaarutaanillu naqissusiinissaq.

§ 5. Pigisat innaallagissamut atassuserneqartariaqartut imaluunniit batteriilerneqartariaqartut inissinneqarfiup nammineq naammaginartumik misissorsinnaanngippagit, inissinneqartup misissu-inermut nammineq akiliinissaa pigisap tunniunneqarnissaanut piunasaqaataassasoq inissinneqarfiup aalajangersinnaavaa.

§ 6. Pigisat nalunaarsorneqarsimasut, tak. § 25, inissinneqarsimasup allamut tunniussinnaanngilai (tuniniarlugit, taarsiullugit, attartukkanut qularnaveeqqusiullugit) imaluunniit allamut nassiullugit.

Imm. 2. Pissutsit immikkut illuinnartut taamatut ittariaqartippassuk, pigisap nalunaarsorsimasup allamut tunniunneqarnissaa imaluunniit inissinneqarfigisap avataanut nassiunneqarnissaa inissinneqarfigisap akuersissutigisinnaavaa.

§ 7. Inissinneqarfigisani ataasiakkaani pissutsit mianeriniarlugit, inissinneqartut namminneq pigisaminnik inissinneqarfigisamut nassataqarsinnaanerit, pigisaqarsinnaanerit atuisinnaanerallu inissinneqarfigisap annertunerusumik killilersinnaavaa, pigisat angissusaat, qassiunerat aamma suunerat il.il. ilanngullugit eqqarsaatigineqarlutik. Inissinneqarfigisap ilanngullugu aalajangersinnaavaa pigisat aalajangersimasut inissinneqartumut tunniunneqarsinnaanngitsut, tunniussineq torersuunissamut isumannaatsuunissamullu mianerisassanut tulluutsinneqarsinnaanngippat, soorlu aamma pigisap tunniunneqartup sumi atorneqarsinnaanera inissinneqarfigisap aalajangersinnaagaa.

Kapitali 3

Pigisanik aalajangersimasunik kapitali 2-mut ilaasunik inissinneqarsimasut attartorsinnaatitaanerit il.il.

§ 8. Immikkoortumi matoqqasumi inissinneqarsimasut, tigussaasumik periarfissaqarfiini, tak. § 12, namminneq inimi najukkaminni atugassaminnik fjernsynimik, radiomik, dvd-nik cd-nillu nipilersuutinik attartorsinnaapput.

Imm. 2. Inissinneqarsimasut pigisanik imm. 1-imi taaneqartunik attartorsinnaanerannut, ataqatigiissunik pigisanik imm. 1-imi taaneqartunik arlalinnik tamanilluunniit akoqartunik attartornissaq inissinneqartup akuerissagaa piunasaqaatinngortinneqarsinnaavoq.

§ 9. Immikkoortumi matoqqasumi inissinneqarsimasut pinnguaatinut konsollimik inimi namminneq najukkaminni atugassamik attartornissamut akuerineqarsinnaapput.

Imm. 2. Pinnguaatinut konsollit, inissinneqarsimasunut attartortinneqartut, Pinerluuteqarsimasunik Isumaginnittoqarfiup pisortaanit akuerisaasumik sannaqassapput.

§ 10. Immikkoortoqarfinni matoqqasuni inissinneqarsimasut, periarfissaqarfiini, tak. § 12, nutsanut panersaammik, nujaajaammik unngiaammillu innaallagissamoortunik batteriitortunilluunniit inissinneqarfisik aqutugalugu pisisinnaassapput.

§ 11. Pisuni ataasiakkaani ilinniartitaanikkut suliaqarnikkulluunniit mianerisassat taamaattariaqartippassuk, immikkoortortami matoqqasumi inissinneqarsimasooq qarasaasianik, inissinneqarfimmit pisarineqartunik attartorsinnaavoq, taakkunani inini ilinniartitsiviusuni inissitsillugit. Inissinneqarsimasut piffissami init taakkua atorneqarfigisinnaasaanni allattarissamik suliasaminnik il. il. suliarinnissinnaanngitsut, qaqutiguinnaq pisartumik akueritissinnaapput qarasaasiamik namminneq inimi sumiiffigisartakkaminni ikkussorneqartussamik tunineqarnissaminnut.

§ 12. § 8-mi aamma § 10-mi maleruagassat malillugit inissinneqarsimasut pigisanik aalajangersimasunik attartornissamut pisinissamulluunniit pisinnaatitaaffii eqqortissinnaajumallugit, pigisat taaneqartut pillugit immikkoortoqarfik matoqqasooq attartornermut aqqissuussinernik il. il. piler-sitsisussaavoq, inissinneqarsimasut amerlassusaannut inissinneqarfigisanilu ataasiakkaani pissutsinut kiisalu inissinneqarsimasut attartornissamut il. il. pisariaqartitaannut naleqqiullugu nalinginnaasumik naammattutut isigineqarsinnaasutut annertussusilinnik.

§ 13. Kapitalimi matumani maleruagassat malillugit pigisanik attartornermut pisinermullu akit pisinermi, iluarsaassinermi, aserfallatsaaliuineri, akuersissutininut aningaasartuutininut aalajangersimasunut il. il. toqqaannartumik aningaasartuutit amerlaqataannut aalajangersarneqassapput.

§ 14. Kapitalimi matumani maleruagassat malillugit pigisanik attartortitsinermut tunisinermullu akit qaffasinnerpaaffissaat Pinerluuteqarsimasunik Isumaginnittoqarfimmi pisortap aalajangersarsinnaavai.

§ 15. Pigisat kapitalimi matumani maleruagassat malillugit inissinneqarsimasunut attartortitsinikkut tunisinikkulluunniit atugassiissutigineqartut, inissinneqarsimasunut tunniunneqartinnatik ilisarnaatitut ikkuttakkat immikkut ittut atorlugit parnaarsaataasigut naqissuserneqassapput, taamaalilluni pigisap aanngajaarniutininut assigisaannulluunniit toqqorsivittut atorneqannginnera nakkutigineqarsinnaassammatt.

§ 16. Kapitalimi matumani maleruagassat malillugit pigisanik attartortitsinermi, inissinneqartoq tamatumunnga siunnersorneqarnermigut atsiarluni nalunaarutigissavaa tulliuuttut malinniarlugit

- 1) taarsiissuteqarnermut maleruagassat nalinginnaasut malillugit pineqartoq pigisamut taarsiissuteqarnissamut akisussaasoq,
- 2) pineqartup taarsiissuteqartariaqalernermik kinguneqartumik pissusilersuuteqarnermigut pigisap aserorpagu, aningaasat taarsiissutissat nalingi pineqartup sulinermigut aningaasarsiaanit ilanngaataasinnaapput, tak. pinerluttulerinermi inatsimmi § 230, imm. 2,
- 3) pineqartup pigisap ammarpagu, ilanngullugu parnaarutaanut naqissusiineq aserorlugu, pigisap inimit sumiiffigisaanit anninneqassaaq, aamma
- 4) inissinneqartoq taarsiissuteqartariaqalernermik kinguneqartumik arlaleriarluni sakkortunerusumik pissusilersuuteqartarnermigut pigisap aserorpagu, kapitali manna malillugu nammineq inimi sumiiffigisamini atugassatut attartornissamut itigartinneqarsinnaavoq.

Imm. 2. Kapitalimi matumani maleruagassat malillugit tunisinermi, inissinneqarsimasooq tulliuuttut pillugit siunnersorneqassaaq,

- 1) pigisat ingerlateqqinneqarsinnaanngitsut (tuniniarneqarsinnaanatik, taarseeqatigiissutigineqarsinnaanatik, attartortinneqarsinnaanatik, qularnaveeqqutitut akiliutigineqarsinnaanatik imaluunniit tunniunneqarsinnaanatik) imaluunniit inissinneqarfiup avataanut nassiunneqarsinnaanatik, aamma
- 2) inissinneqarfigisamut allamut nuunneqarnermi, pigisat aatsaat nassarneqarsinnaapput inissinneqarsimasup nuunneqarnermini pigisanik pisiaqarsimanerminik uppernarsaat takutissinnaappagu.

Kapitali 4

Nammineq aningaasaatinik nassarsinnaaneq, tigummiarsinnaaneq atuisinnaanerlu

§ 17. Inissinneqarnermi, aningaaserivimmi inuttut kontomik pilersitsisoqarnissaa inissinneqarfiup isumagissavaa. Inissinneqartup inuttut kontoni inissinneqarfiup avataani atorsinnaavaa, inissinneqarfigisaminiinnerminili kapitalimi matumani kapitali 5-imilu maleruagassat malitsigisaannik killilersorneqassalluni.

Imm. 2. Aningaasat inissinneqarfirmut inissinneqarnermi nassarneqartut, tassaniinnerup nalaani nassiunneqartut, pulaarneqarnermi pineqartut imaluunniit aneernerup kingorna nassarneqareertut inuttut kontomut ikineqassapput. Inissinneqarsimasup suliaqarnermigut isertitai imaluunniit sulinermigut aningaasarsiai imaluunniit pisortanit tapiissutisiai aamma kontomut ikineqassapput.

Imm. 3. Inissinneqarsimasup kontoanut aningaasat isertut kontoanillu aningaasat anisut tamaasa inissinneqarfiup naatsorsuutininik allattuiffimmut immikkuullarissumut ataavartumik allattortassavai.

Imm. 4. Iperagaanermi inissinneqarfiup inuttut konto atorunnaarsissavaa aningaasallu kontomiittut eqqartuussaasimasumut atugassanngorlugit tunniunneqassallutik.

§ 18. Inissinneqartup inuttut kontoaniit sapaatip akunnikkaartumik inissinneqartumut kaasarfimmiut akilerneqartassapput. Inissinneqartup kaasarfimmiuni nammineq atorsinnaavai, taamaattoq tak. imm. 2 aamma §§ 19, 21 aamma 22.

Imm. 2. Inissinneqarfigisami inissinneqarsimasoq taamaallaat aningaasanik sapaatit akunnerini kaasarfimmiussarsiat amerlaqataannik annerpaamik tigummiagaqarsinnaavoq, taamaattoq tak. imm. 1.

Imm. 3. Aningaasat imm. 1 malillugu tunniunneqartut, Kalaallit Nunaanni pinerluttunik isumaginnittoqarfiup inissiisarfiini inissinneqarsimasunut aningaasarsiat il. il. pillugit nalunaarutikkut Pinerluttunik Isumaginnittoqarfiup pisortaanit ukiumut ataasiarlutik aalajangersarneqartassapput.

§ 19. Inissinneqarsimasup aningaasat taamaallaat siunertanut, inissinneqarfigisami torersuunissap isumannaatsuunissallu mianerinerinut naleqquttunut atorsinnaavai. Aningaasat sumut atorneqarsimanerannut pisariaqartitamik uppersaatinik inissinneqarfigisap piumasaqaateqarsinnaavoq.

§ 20. Inissinneqarsimasut ulluinnarni pisariaqartitanik pisisinnaanissaat kiisalu pigisanik allanik pisisinnaanissaat attartorsinnaanissaallu inissinneqarfigisap naammaginantumik annertussusilimmik peqataaffigissavaa, assersuutigalugu inissinneqarfigisap pisisarfiini inniminniisarnikkut.

Imm. 2. Pigisat inniminnerneqartut inissinneqarsimasumut taamaallaat tunniunneqarsinnaapput pineqartup akilersimappagit, imaluunniit pigisanut erniinnaq akiliippat, taamaattoq tak. § 21, imm. 2.

§ 21. Naafferartumik akilersuilluni pisinernut assigisaannullu peqataanissaq inissinneqarfigisap itigartitsissutigisinnaavaa.

Imm. 2. Pissutsilli taamatut ittariaqartippassuk, pigisat naafferartumik akiligassanngorlugit pisiarinqarsimasut tunniunneqarnissaat inissinneqarfigisap akuerisinnaavaa.

§ 22. Immikkoortuni ilaannakortumik matoqqasuni matoqqasunilu inissinneqarsimasut aningaasanik inissinneqarfigisap avataanut nassiusseqqusaanngillat, qanigisarluinnarnut sulinermut aningaasassatut nassiusaanngippata, aamma torersuunissamut isumannaatsuunissamulluunniit mianerisassat pisuni ataasiakkaani tamatumunnga akerliunngippata. Sulinermut aningaasassatulli pinnatik aningaasanik allanik nassiussinisaq inissinneqarfigisap akuersissutigisinnaavaa, pisuni ataasiakkaani pissutsit immikkorluinnaq ittut taamatut ittariaqartippassuk.

Kapitali 5

Siunnersuineq, pigisanik misissuineq nalunaarsuinerlu il.il.

§ 23. Inissinneqartup tiguneqarnerani, nammineq pigisanik aningaasaatinillu nassataqarnissamut, tigummiagaqarnissamut atuisinnaanissamullu killiliinerit, kiisalu ikiaroomartumik eqqussinerup pigisaqarnerullu pinerluutaanera pillugit inissinneqartoq siunnersorneqassaaq. Tamatumunnga atatillugu pineqartoq periarfissinneqassaaq pigisanik aningaasaatinillu nassataminik najukkamut inissinneqarfiup avataaniittumut nassiusinissamut.

Imm. 2. Aneerermut assigisaannullu atatillugu pigisanik aalajangersimasunik tunniussisinnanermut § 2, imm. 2, aamma § 3, imm. 3 malillugit killilersuinerit pillugit inissinneqartoq naammaginantumik annertussusilimmik siunnersorneqassaaq.

§ 24. Pigisat aningaasallu inissinneqartup inissinneqarfigisamut nassarumasai tamaasa inissinneqarfiup misissussavai. Tamatuma saniatigut pigisanik aningaasanillu misissuinermi, pigisanik aningaasanillu inissinneqarfigisami pigeqqusaanngitsunik anngiortumik eqqussinissaq pinngitsoortinniarlugu misissuisoqassaaq.

Imm. 2. Misissuinermit atatillugu pigisat aningaasallu suut pineqartumut tunniunneqassanersut isummerfigineqassaaq. Pigisanik aningaasanillu tunniussineq pineqartup nammineq akisussaaf-

feqarnera pillugu nalunaarummik inissinneqartoq atsiugaqassaaq, inissinneqarfigisaaq taarsiissuteqarnermut maleruagassat nalinginnaasut malillugit akisussaataingippat.

Imm. 3. Pigisaqarpat aningaasaqarpalluunniit tunniunneqarsinnaanngitsunik, inissinneqarfigisap inissinneqartoq tamanna pillugu oqaatsitigut ilisimatissavaa. Aalajangiinerup Pinerluuteqarsimanunik Isumaginnittoqarfimmi pisortamut naammagittaalliuutigineqarsinnaaneranik inissinneqartup siunnersorneqarsimanera naammagittaalliuuteqarnissamullu piffissaliussaaq pillugit allakkiortoqassaaq, tak. pinerluttulerinermi inatsimmi § 245, imm. 4.

§ 25. Pigisat aalajangersimasut tamatigut nalunaarsorneqartarnissaat inissinneqarfigisap aalajangersinnaavaa.

Imm. 2. Immikkoortoqarfimmi matoqqasumi pigisat naleqarnerusut, inissinneqartumut tunniunneqartut nalunaarsorneqassapput.

Imm. 3. Pigisat inissinneqartunut ataasiakkaanut tamanut allattuiffimmi immikkuullarissumi nalunaarsorneqassapput. Pigisanik taakkuninnga tunniussinissamut allattuiffiup inissinneqartumit atsiorneqarsimanissaa pillugu maleruagassanik inissinneqarfigisaaq aalajangersaasinnaavoq.

§ 26. Pigisat inissinneqartumut tunniunneqanngitsut imaluunniit najukkamut inissinneqarfiup avataaniittumut nassiunneqanngitsut, inissinneqarfigisamit uninngasuutigineqassapput nalunaarsorneqarlutillu.

Imm. 2. Inissinneqartunut ataasiakkaanut tamanut allattuiffinnut immikkuullarissunut pigisat nalunaarsorneqassapput. Pigisanik taakkuninnga uninngasuuteqarnissamut allattuiffiup inissinneqartumit atsiorneqarsimanissaa pillugu maleruagassanik inissinneqarfigisaaq aalajangersaasinnaavoq.

Imm. 3. Pigisat angissusaat, qassiuneri suunerilu innersuussutigalugit inissinneqarfigisat pigisanik uninngatitsinissaaq itigartitsissutigisinnaavaa. Uninngatitsinissaaq itigartitsissutigineqarpat, naleqquttumik uninngatitsivissamik nassaarnissamut inissinneqarfigisap inissinneqartoq ikiussavaa. Uninngatitsineq inissinneqarfigisamut aningaasartuutaassanngilaq.

Imm. 4. Pigisat aningaasallu kuffertimi, karsimi assigisaanniluunniit nalunaarsugaasumi pigisanut allanut akulerunneqarsinnaanatik uninngasuutigineqartut nalunaarsunnginnissaat inissinneqarfiup toqqarsinnaavaa.

§ 27. Pigisanut aningaasanullu tassaniinnerup nalaani nassiussarsiarineqartunut, pulaartoqarnermi tiguneqartunut imaluunniit aneernerup kingorna nassarneqartunut §§ 24-26-imi maleruagassat assigisaanik atorneqassapput.

§ 28. Inissinneqarsimasooq sivilunerusumik inissinneqarfigisamiinngippat, pineqartup pigisaasa uninngasuusivimmiitinneqarnissaat inissinneqarfigisap isumagissava. Tamanna aamma qimaaneramik utinngitsoornermillu pissuteqartumik peqannginnernut atuuppoq. Toqqorsivimmi uninngatitsineq atornagu inissinneqartup ini najortagaa parnaarlugu utaqqiisaasumik atorneqarsinnaavoq.

Imm. 2. Pigisat poortuunneqarpata nalunaarsuinikkut imaluunniit ilisarnaataasigut naqissusiinikkut pigisanit allanit immikkoortisimaneqarnissaat qulakkeerneqassaaq.

Imm. 3. Qimaaneq imaluunniit utinngitsoorneq pissutigalugu peqannginnermi, inissinneqarfigisap pigisat pineqartut sivikinnerpaamik ukiumi ataatsimi uninngasuutigissavai. Piffissaliussap tamatuma qaangiunnerani pigisat politiinut tunniunneqarsinnaapput. Pigisat erseqqivissumik naleqanngippata, taakkua taarsiullugu suujunnaarsinneqarsinnaapput.

Kapitali 6

Aalajangersakkat assigiinngitsut

Arsaarinninneq aamma pissusissanik malinningitsunut pillaatit il. il.

§ 29. Inissinneqarsimasut nalunaarummi matumani maleruagassanut imaluunniit nalunaarut manna malillugu inissinneqarfigisap aalajangigaanik akerliusumik pigisanik aningaasanilluunniit

tigummiarpata imaluunniit atugassaqarpata, inissinneqarfiup aalajangersinnaavaa pigisat aningaa-salluunniit tiguneqassasut, iperagaanermi tunniunneqarnissaat siunertaralugu, inissinneqarfik arsaarinninnissamik aalajagiinngippat, tak. pinerluttulerinermi inatsimmi § 229.

Imm. 2. Inissinneqarsimasoq § 2-mik, § 3, imm. 1-imik, § 6, imm. 1-imik, § 7, § 16, imm. 2, nr. 1, § 18, imm. 2, § 19, oqaaseqatigiit siulliit malillugit peqqusinernik, kiisalu § 25, imm. 1 malillugu peqqusinernik unioqqutitsinernut pinerluttulerinermi inatsimmi §§ 226-228 malillugit pissusissanik malinnginnermut pineqaatissinneqarsinnaavoq.

Iperagaanerup kingorna uninngatitsineq

§ 30. Pigisat inissinneqarsimasup iperagaanermi nassanngisai, inissinneqarfigisimasap sivikinnerpaamik qaammatini pingasuni uninngasuutigissavai. Piffissaliussap tamatuma naareernerani pigisat inissinneqarfigisami iluaqutaasussanngorlugit tiguneqarsinnaapput, tamanut ammasumik akitsorterussinermi tuniniarneqarsinnaallutik imaluunniit suujunnaarsinneqarsinnaallutik.

Kapitali 7

Atuutilerfia

§ 31. Nalunaarut 7. juni 2019-imi atuutilerpoq.

Imm. 2. Inissitat pigisaminnik nassarsinnaanissaannut, pigisinnaanissaannut, naalagaaffiginissaannut il. il. aamma pinerluttunik isumaginnittoqarfimmi aningaasaateqarnissaannut nalunaarut nr. 1155, 7. december 2009-imeersoq (pigisanut nalunaarut) atorunnaarsinneqarpoq.

Kalaallit Nunaanni Pinerluuteqarsimasunik Isumaginnittoqarfik, ulloq 29. maj 2019

NAAJA HJELHOLT NATHANIELSEN